



禮記卷第三

檀弓下第四

禮記

鄭氏注

君之適長殤車三乘公之庶長殤車一乘大

夫之適長殤車一乘

皆下成人也自上而下降殺以兩成人遣車五

乘長殤三乘下殤一乘尊卑以此差之庶

○

公之喪諸達官之長杖

謂君所命雖有官職不達於君則不服斬

○君於大夫將葬弔於官及出命引之三步

則止

以義奪孝子宮殯宮出謂柩已在路

如是者三君退

退去也三

命引之凡移九步朝亦如之哀次亦如之君弔不必於宮朝喪

朝廟也次他日賓客所受大門外舍也孝子至此而哀君或於是弔焉○五十

無車者不越疆而弔人氣力始衰○季武子寢疾

蟯固不說齊衰而入見曰斯道也將亡矣士

唯公門說齊衰季武子魯大夫季孫夙也世為上卿強且專政國人事之

如君蟯固能守禮不畏之矯失俗也道猶禮也武子曰不亦善乎君

子表微時無如之何佯若善之表猶明也及其喪也曾點倚

其門而歌明已不與也點字皙曾參父○大夫弔當事而

至則辭焉辭猶告也擯者以主人有事告也主人無事則為大夫出弔於

人是日不樂君子哀樂不同日子於是日哭則不歌婦人不越

疆而弔人不通於外行弔之日不飲酒食肉焉以全

也弔於葬者必執引若從柩及壙皆執紼示助

之以力車曰引棺○喪公弔之必有拜者往謝

之雖朋友州里舍人可也謂無主後弔曰寡君承

事示亦為執事來主人曰臨君辱臨其喪君遇柩於路

必使人弔之君於民臣有父母之恩大夫之喪庶子不



受弔

不以賤者為有爵者主

○妻之昆弟為父後者死

哭之適室

以其正也

子為主袒免哭踊

親者主之夫入

門右

北西辟正主

使人立于門外告來者狎則入

哭

狎相習知者

父在哭於妻之室

不以私喪于尊

非為父

後者哭諸異室。○有殯聞遠兄弟之喪哭于

側室

嫌哭

無側室哭于門內之右

近南者為之變位

同國則往哭之

喪無外事

○子張死曾子有母之

喪齊衰而往哭之或曰齊衰不以弔

以其無服非之

曾子曰我弔也與哉

於朋友哀痛甚而往哭之非若凡弔

○有

若之喪悼公弔焉

悼公魯哀公之子

子游擯由左

擯

侑喪禮者喪禮廢亡時人以為此儀當如詔辭而皆由右相是善子游正之孝經說曰以

身擯

○齊穀王姬之喪

穀當為告聲之誤也王姬周女齊襄公之

夫魯莊公為之大功或曰由魯嫁故為之服

姊妹之服或曰外祖母也故為之服

春秋周女由魯

嫁卒服之如內女服姊妹是也天子為之無服嫁於王者之後乃服之莊公齊襄公女弟

文姜之子當為舅之妻非外祖母也外祖母又小功也

○晉獻公之喪



秦穆公使人弔公子重耳

獻公殺其世子申生重耳辟難出奔

是時在翟就弔之

且曰寡人聞之亡國恒於斯得國

恒於斯

言在喪伐之際

雖吾子儼然在憂服之中喪

亦不可久也時亦不可失也孺子其圖之

其勸

反國意欲納之喪謂亡失位孺釋也

以告舅犯

舅犯重耳之舅狐偃也字子犯

舅犯曰孺子其辭焉喪人無寶仁親以為寶

寶為善道可守者仁親親行仁義

父死之謂何又因以為利

欲反國求為後是利父死

而天下其孰能說之孺子其辭

焉

說猶解也公子重耳對客曰君惠弔亡臣重耳

身喪父死不得與於哭泣之哀以為君憂

謝之

父死之謂何或敢有他志以辱君義稽顙而

不拜哭而起起而不私

他志謂私心

子顯以致命

於穆公

使者公子繫也盧氏云古者名字相配顯當作韞

穆公曰仁

夫公子重耳夫稽顙而不拜則未為後也故

不成拜哭而起則愛父也起而不私則遠利

也○惟殯非古也自敬姜之哭穆伯始也

穆伯

魯大夫季悼子之子公甫靖也敬姜穆伯妻文伯歌之母也禮朝夕哭不帷○喪

禮哀戚之至也節哀順變也君子念始之者

也始猶生也念父母生已不欲傷其性復盡愛之道也有禱祠

之心焉復謂招魂且分禱五祀庶幾其精氣之反望反諸幽求諸

鬼神之道也鬼神處幽闇望其從鬼神所來北面求諸幽之

義也鄉其所從來也禮復者升屋北面拜稽顙哀戚之至隱

也稽顙隱之甚也隱痛也稽顙首觸地無容飯用米貝弗

忍虛也不以食道用美焉爾尊之也食道褻米貝美銘

明旌也神明之精以死者為不可別已故以其旌

識之不可別形貌不見愛之斯錄之矣敬之斯盡其

道焉耳謂重與真重主道也始死未作主以重主其神也重既虞而埋

之乃後作主春秋傳曰虞主用桑練主用栗殷主綴重焉綴猶聯也殷人

作主而聯其重縣諸廟也去顯考乃埋之周主重徹焉周人作主徹重埋之

奠以素器以生者有哀素之心也哀素言哀痛無飾也

凡物無飾曰素唯祭祀之禮主人自盡焉爾豈知神

之所饗亦以主人有齊敬之心也哀則以素敬則以飾



禮由人辟踊哀之至也有筭為之節文也筭數

也袒括髮變也愠哀之變也去飾去美也袒

括髮去飾之甚也有所袒有所襲哀之節也

弁經葛而葬與神交之道也接神之道不可

侯變服而葬冠素弁以葛為環經既虞卒有

敬心焉踰時哀衰而敬生敬則服有周人弁

而葬殷人哱而葬周弁殷哱俱象祭歆主人

主婦室老為其病也君命食之也尊者奪人

也粥反哭升堂反諸其所作也親所行主婦入

于室反諸其所養也親所饋反哭之弔也哀

之至也反而亡焉失之矣於是為甚哀痛殷

既封而弔周反哭而弔封當為窆孔子曰殷

已慤吾從周慤者得哀之葬於北方北首三

代之達禮也之幽之故也北方國既封主人

贈而祝宿虞尸贈以幣送死者於壙既反哭

主人與有司視虞牲日中將虞有司以几筵

舍奠於墓左反日中而虞所使奠墓有司來歸乃虞也舍奠墓

左為父母形體在此禮其神也周禮冢人凡祭墓為尸葬日虞弗忍一

日離也弗忍其無所歸是日也以虞易奠虞喪祭也卒哭

日成事既虞之後卒哭而祭其辭蓋曰哀薦成事成祭事也祭以吉為成是

日也以吉祭易喪祭卒哭吉祭明日祔于祖父祭告

於其祖之廟其變而之吉祭也比至於祔必於是

日也接不忍一日末有所歸也末無也日有禮所謂他用剛日者其祭祝曰哀薦曰成事殷練而祔周卒哭而

祔孔子善殷期而神○君臨臣喪以巫祝桃

芻執戈惡之也為有凶邪之氣在側君聞大也其已襲則止巫去桃芻桃鬼所惡芻菹茗可埽不祥所以異於生也

生人無凶邪○喪有死之道焉言人之死有如鳥獸死之狀鳥獸之

賤之人先王之所難言也聖人不明說○喪之

朝也順死者之孝心也朝謂遷柩於廟其哀離其室

也故至於祖考之廟而后行殷朝而殯於祖

周朝而遂葬○孔子謂為明器者知喪道矣



備物而不可用也

神與人異道則不相傷

哀哉死者而

用生者之器也不殆於用殉乎哉

殆幾也殺人以衛死者

者曰狗用其器者漸幾於用人

其曰明器神明之也

神明死者異於

生人塗車芻靈自古有之

芻靈束茅為人馬謂之靈者神之類

明

器之道也

言與明器同

孔子謂為芻靈者善謂為

備者不仁不殆於用人乎哉

備偶人也有面目機發有似於

生人孔子善古而非周

○穆公問於子思曰為舊君反

服古與

仕焉而已者穆公魯哀公之曾孫

子思曰古之君子

進人以禮退人以禮故有舊君反服之禮也

今之君子進人若將加諸膝退人若將隊諸

淵毋為戎首不亦善乎又何反服之禮之有

言放逐之臣不服舊君也為兵主來攻伐曰戎首

○悼公之喪季昭

子問於孟敬子曰為君何食

悼公魯哀公之子昭子康子之

曾孫名強敬子武伯之子名捷

敬子曰食粥天下之達禮也

吾三臣者之不能居公室也四方莫不聞矣

言鄰國皆知吾等不能居公室以臣禮事君也三臣仲孫叔孫季孫氏

勉而為

瘠則吾能毋乃使人疑夫不以情居瘠者乎

哉我則食食有時不盡忠喪又不盡禮非也孔子曰喪事不敢不勉○

衛司徒敬子死司徒官氏公子夏弔焉主人

未小斂經而往子游弔焉主人既小斂子游

出經反哭皆以朋友之禮子夏曰聞之也與

曰聞諸夫子主人未改服則不經○曾子曰

晏子可謂知禮也已恭敬之有焉言禮者敬而已矣

有若曰晏子一狐裘三十年遣車一乘及墓

而反國君七个遣車七乘大夫五个遣車五

乘晏子焉知禮言其大儉偏下非之及墓而

有事也人臣賜車馬者乃得有遣車遣車之

差大夫五諸侯七則天子九諸侯不以命數

喪數畧也个謂所包遣奠牲體曾子曰國無

道君子耻盈禮焉國奢則示之以儉國儉則

示之以禮時齊方奢○國昭子之母死問於

子張曰葬及墓男子婦人安位國昭子子張

曰司徒敬子之喪夫子相男子西鄉婦人東



鄉夾羨道為位曰噫母噫不寤之聲曰我喪

也斯沾斯盡也沾讀曰規規視也國昭子自謂齊之大家有事人盡視之欲人觀

之法其爾專之賓為賓焉主為主焉專猶司也時子

張婦人從男子皆西鄉也非也○穆伯之喪敬姜

晝哭文伯之喪晝夜哭孔子曰知禮矣喪夫不夜

哭嫌思情性也文伯之喪敬姜據其牀而不哭曰昔

者吾有斯子也吾以將為賢人也蓋見其有才藝吾

未嘗以就公室未嘗與到公室觀其行也季氏魯之宗卿敬姜有會見之

禮

今及其死也朋友諸臣未有出涕者而內

人皆行哭失聲斯子也必多曠於禮矣夫內人

妻○季康子之母死陳褻衣褻衣非上服陳之將以斂敬

姜曰婦人不飾不敢見舅姑將有四方之賓

來褻衣何為陳於斯命徹之言四方之賓嚴於舅姑敬姜者

康子從祖母○有子與子游立見孺子慕者有子

謂子游曰予壹不知夫喪之踊也予欲去之

久矣情在於斯其是也夫喪之踊猶孺子之號慕子游

曰禮有微情者

踊即哭

有以故興物者

衰經有之制

有

直情而徑行者戎狄之道也

哭踊無節衣服無制

禮道

則不然

與戎狄異

人喜則斯陶

陶鬱陶也

陶斯咏

咏謳也

咏斯猶

猶當為搖聲之誤也搖謂身動搖也秦人猶搖聲相近

猶斯舞

手舞之

舞斯愠

愠猶怒也

愠斯戚

戚憤戚

戚斯歎

歎吟

歎斯辟

辟拊心

辟斯踊矣

踊躍

品節斯斯之謂禮

舞踊皆有節乃成禮

人死斯惡之矣無能也斯倍之矣

無能心謂之無所復能

是故制絞衾設萋萋為使人勿

惡也

絞衾尸之飾萋萋棺之牆飾周禮萋作柳

始死脯醢之奠將

行遣而行之既葬而食之

將行將葬也葬有遣奠食反虞之祭

未有見其饗之者也自上世以來未之有舍

也為使人勿倍也

舍猶廢也

故子之所刺於禮者

亦非禮之訾也

訾病也

○吳侵陳斬祀殺厲

祀神

位有屋樹者厲疫病吳侵陳以魯哀元年秋

師還出竟陳太宰嚭

使於師夫差謂行人儀曰是夫也多言盍嘗

問焉師必有名人之稱斯師也者則謂之何



大宰行人官名也夫差吳子光之子盍何不也嘗猶試也夫差修舊怨庶幾其師有善名

大宰嚭曰古之侵伐者不斬祀不殺厲不獲

二毛獲謂係虜之二毛鬢髮斑白今斯師也殺厲與其不

謂之殺厲之師與欲微切之故其言似若不審然正言殺厲重人曰

反爾地歸爾子則謂之何子謂所獲民臣曰君王討

敝邑之罪又矜而赦之師與有無名乎又微勸之

終其意吳楚僭號稱王○顏丁善居喪顏丁魯人始死皇皇

焉如有求而弗得及殯望望焉如有從而弗

及既葬慨焉如其反而息從隨也○子

張問曰書云高宗三年不言言乃謹有諸時人

君無行三年之喪禮者問有此與怪之也謹喜說也言乃喜說則民臣望其言又仲

尼曰胡為其不然也古者天子崩王世子聽

於冢宰三年冢宰天官卿貳王事者○知悼

子卒未葬悼子晉大夫荀盈魯昭九年卒平公飲酒與群臣燕平公

晉侯師曠李調侍侍與君飲也燕禮記曰請旅侍臣鼓鐘樂作

也燕禮賓入門奏肆夏既獻而樂闋獻君亦如之杜蕢自外來聞鐘

聲曰安在

怪之也杜蕢

曰在寢

燕於

杜蕢入

寢歷階而升酌曰曠飲斯又酌曰調飲斯又

酌堂上北面坐飲之降趨而出

三酌皆罰

平公呼

而進之曰蕢曩者爾心或開予是以不與爾

言

曩曩也謂始來入時

爾飲曠何也曰子卯

不樂

紂以甲子死桀以乙卯亡王者謂之疾日不以舉樂為吉事所以自戒懼

知

悼子在堂斯其為子卯也大矣

言大臣喪重於疾日也雜

記曰君於卿大夫比葬不食肉比卒哭不舉樂曠也大師也不以詔

是以飲之也

詔告也大師典奏樂

爾飲調何也曰調也

君之褻臣也為一飲一食忘君之疾是以飲

之也

言調貪酒食褻嬖也近臣亦當規君疾憂

爾飲何也曰蕢也

宰夫也非刀匕是共又敢與知防是以飲之

也

防禁放溢

平公曰寡人亦有過焉酌而飲寡人

則服

杜蕢洗而揚觶

舉爵於君也禮揚作騰揚舉也騰送也揚近得

之公謂侍者曰如我死則必毋廢斯爵也

欲後

世以至於今既畢獻斯揚觶謂之杜舉

此爵為戒遂因



杜蕢為名畢 ○公叔文子卒 文子衛獻公之孫名拔或作發

其子戍請謚於君曰日月有時將葬矣請所

以易其名者 謚者行之迹有時猶言有數也大夫士三月而葬 君曰

昔者衛國凶饑夫子為粥與國之餓者是不

亦惠乎 君靈公也 昔者衛國有難夫子以其死衛

寡人不亦貞乎 難謂魯昭公二十年盜殺衛侯之兄縶也時齊豹作亂公

如死 夫子聽衛國之政脩其班制以與四鄰

交衛國之社稷不辱不亦文乎 班制謂尊卑之差 故

謂夫子貞惠文子 後不言貞惠者文足以兼之 ○石駘仲

卒 駘仲衛大夫石磻之族 無適子有庶子六人卜所以

為後者 莫適立也 曰沐浴佩玉則兆 言齊絜則得吉兆 五

人者皆沐浴佩玉石祁子曰孰有執親之喪

而沐浴佩玉者乎不沐浴佩玉 心正且知禮 石祁

子兆衛人以龜為有知也 ○陳子車死於衛

其妻與其家大夫謀以殉葬 子車齊大夫 定而后

陳子亢至以告曰夫子疾莫養於下請以殉

葬子元子車弟孔子弟子下地子元曰以殉葬非禮也雖

然則彼疾當養者孰若妻與宰得已則吾欲

已不得已則吾欲以二子者之為之也度諫之不

能止以斯言拒之已猶止也於是弗果用果決○子路曰傷

哉貧也生無以為養死無以為禮也孔子曰

啜菽飲水盡其歡斯之謂孝斂手足形還葬

而無椁稱其財斯之謂禮還猶疾也謂不及其日月○衛

獻公出奔反於衛及郊將班邑於從者而后

入欲賞從者以懼居者獻公以魯襄十四年出奔齊二十六年復歸於衛柳莊

曰如皆守社稷則孰執羈勒而從如皆從則

孰守社稷言從守若一勒紉也君反其國而有私也毋

乃不可乎言有私怨弗果班○衛有大史曰柳

莊寢疾公曰若疾革雖當祭必告革急也公再

拜稽首請於尸曰有臣柳莊也者非寡人之

臣社稷之臣也聞之死請往急弔賢者不釋服而

往遂以禭之脫君祭服以禭臣親賢也所以此禭之者以其不用襲也凡禭



以斂與之邑表氏與縣潘氏書而納諸棺曰世

世萬子孫母變也所以享賢也○陳乾昔寢

疾屬其兄弟而命其子尊已曰如我死則必

大為我棺使吾二婢子夾我婢子妾也陳乾昔死

其子曰以殉葬非禮也况又同棺乎弗果殺

善尊已不陷○仲遂卒于垂壬午猶繹萬入

去籥春秋經在宣八年仲遂魯莊公之子東門襄仲先曰辛巳有事於大廟而仲遂

卒明日而繹非也萬于舞也籥籥舞仲尼曰

也傳曰去其有聲者廢其無聲者

非禮也卿卒不繹○季康子之母死公輸若

方小公輸若匠師方小言斂般請以機封斂

棺於椁般若之族多技巧者見若掌斂將從

之時人服公肩假曰不可夫魯有初初謂公

室視豐碑言視者時僭天子也豐碑斲大木

之穿中於間為鹿盧下棺以綵繞三家視相

楹時僭諸侯諸侯下天子也斲之形如大楹

大夫二綵無碑二碑般爾以人之母嘗巧則豈不

士二綵無碑

得以以已字言寧有強使女者與僭於禮其

毋以嘗巧者乎則病者乎母無也於女寧噫

不寤弗果從○戰于郎郎魯近邑也哀十一年齊國書帥師伐我

是也公叔禺人遇負杖入保者息遇見也見走

保罷倦加其杖頸上兩手掖之休息者保縣邑小城禺人昭公之子春秋傳曰公叔務人

曰使之雖病也謂時任之雖重也謂時君子

不能為謀也士弗能死也不可君子謂鄉大

惡復無謀臣士又不我則既言矣欲敵齊師

與其鄰重汪錡往皆死焉奔敵死齊寇鄰鄰

童未冠者之稱姓汪名錡鄰魯人欲勿殤重

或為談春秋傳曰童汪錡汪錡見其死君事有士行欲以成人之喪問

於仲尼仲尼曰能執干戈以衛社稷雖欲勿

殤也不亦可乎善○子路去魯謂顏淵曰何

以贈我送贈曰吾聞之也去國則哭于墓而后

行反其國不哭展墓而入無君事主於孝哭

謂子路曰何以處我處猶子路曰吾聞之也



過墓則式過祀則下居者主於敬 ○工尹商陽與

陳弃疾追吳師及之工尹楚官名弃疾楚公

帥師滅陳縣之楚人善之因號焉至十二年

楚子狩於州來使蕩侯潘子司馬督囂尹午

陵尹喜圍徐以懼吳於時 陳弃疾謂工尹商

陽曰王事也子手弓而可手弓子射諸商陽

忍傷人以射之斃一人韋弓 什也韋韜也 又

及謂之又斃二人每斃一人揜其目揜其目不忍視

止其御曰朝不坐燕不與殺三人亦足以

反命矣朝燕於寢大夫坐於上士立於下然則商陽與御者皆士也兵車參乘射

者在左戈盾在右御在中央 孔子曰殺人之中又有禮焉

善 ○諸侯伐秦曹相公卒于會魯成十三年曹伯廬卒於

師是也廬謚宣言相聲 諸侯請含以朋友有

之誤也相依注音宣 使之襲非也襲賤 ○襄公朝于荆康王卒

在魯襄二十八年康王楚 荆人曰必請襲欲

子昭也楚言荆者州言之 襄公魯人曰非禮也荆人強之欲尊 巫先拂

柩荆人悔之巫祝桃菊君 ○滕成公之喪魯

臨臣喪之禮

三使子叔敬叔弔進書子叔敬叔魯宣公弟叔盱之曾孫叔弓也

進書奉君弔書子服惠伯為介惠伯慶父玄孫之子名椒介副也及

郊為懿伯之忌不入郊滕之近郊也懿伯惠伯之叔父忌怨也敬叔

有怨於懿伯難惠伯也惠伯曰政也不可以春秋傳曰敬叔不入

叔父之私不將公事政君命所為敬叔於遂昭穆以懿伯為叔父

入惠伯強之乃入○哀公使人弔蕢尚遇諸道辟於

路畫宮而受弔焉哀公魯君也畫宮畫地為宮象曾子曰蕢

尚不如杞梁之妻之知禮也行弔禮於野非齊莊公

襲莒于奪杞梁死焉魯襄二十二年齊侯襲莒是也春秋傳曰杞殖

華還載甲夜入且于之隧隧奪聲相近或為允梁即殖也其妻迎其柩於

路而哭之哀莊公使人弔之對曰君之臣不

免於罪則將肆諸市朝而妻妾執肆陳尸也大夫以上

於朝士以下於市執拘也君之臣免於罪則有先人之敝

廬在君無所辱命無所辱命辭不受也春秋傳曰齊侯弔諸其室○

孺子贛之喪魯哀公少子哀公欲設撥撥可撥引輜車所謂

紼紼問於有若若有若曰其可也君之三臣猶設



之猶尚也以臣况子也三顏柳曰天子龍輅

而椁輅殯車也畫轅為龍幃覆也殯以椁

諸侯輅而設幃輅不畫龍為榆沈故設撥榆以水澆

之汁有急以播地於引輅車滑三臣者廢輅而設撥竊禮之

不中者也而君何學焉止其學非禮也廢去

禮去輅今有紼是用輅僭禮也殯禮大夫故置西序士掘堊見衽○悼公之

母死母哀公哀公為之齊衰有若曰為妾齊

衰禮與譏而問之妾之公曰吾得已乎哉魯

人以妻我言國人皆名之為我妻○季子臯

葬其妻犯人之禾季子臯孔子弟子高柴孟

也申祥以告曰請庚之申祥子張子臯曰孟

氏不以是罪予時僭朋友不以是弃予言非

以吾為邑長於斯也買道而葬後難繼也恃

虐民非也○仕而未有祿者君有饋焉曰獻使焉

曰寡君見在臣位與有祿同違而君薨弗為

服也以其恩輕○虞而立尸有几筵卒哭而

諱諱辟其名生事畢而鬼事始已謂不復饋食於下室而鬼神祭

之已辭也既卒哭宰夫執木鐸以命于宮曰舍故

而諱新故為高祖之父當遷者也易說帝乙曰易之帝乙為成湯書之帝乙六世

王天之錫命疏可同名自寢門至于庫門百官所在庫門宮外門明

堂位曰庫門天子臯門○二名不偏諱夫子之母名徵

在言在不稱徵言徵不稱在稱舉也雜記曰妻之諱不舉諸

其側○軍有憂則素服哭於庫門之外憂謂為敵所敗

也素服者赴車不載橐韋兵不戢示當報也

謂還告於國橐甲衣韋弓衣○有焚其先人之室則三日

哭謂人燒其宗廟哭者故曰新宮火亦三日

哭火人火也新宮火在魯成三年○孔子過泰山側有婦人

哭於墓者而哀夫子式而聽之怪其哀甚使子路

問之曰子之哭也壹似重有憂者而曰然昔

者吾舅死於虎吾夫又死焉今吾子又死焉

而猶乃也夫之父曰舅夫子曰何為不去也曰無苛政

夫子曰小子識之苛政猛於虎也○魯人有



周豐也者哀公執摯請見之

下賢也摯禽摯也諸侯而用禽

摯降尊就卑之義

而曰不可

辭君以尊見卑士禮先

公曰我其已夫

已止也重強變賢

使人問焉曰有虞

氏未施信於民而民信之夏后氏未施敬於

民而民敬之何施而得斯於民也

時公與三桓始有惡

懼將不安

對曰墟墓之間未施哀於民而民哀社

稷宗廟之中未施敬於民而民敬

言民見悲哀之處則

悲哀見莊敬之處則莊敬非必有使之者墟毀滅無後之地

殷人作誓而

民始畔周人作會而民始疑

會謂盟也盟誓所以結眾以信

其後外恃眾而信不由中則民畔疑之孔子曰其身正不令而行其身不正雖令不從

苟無禮義忠信誠懇之心以涖之雖固結之

民其不解乎

涖臨

○喪不慮居

謂賣舍宅以奉喪

毀不

危身

謂憔悴將滅性

喪不慮居為無廟也毀不危身

為無後也○延陵季子適齊於其反也其長

子死葬於贏博之間

季子名札魯昭二十七年吳公子札聘於上國

是也季子讓國居延陵因號焉春秋傳謂孔延陵延州來贏博齊地今泰山縣是也孔

子曰延陵季子吳之習於禮者也往而觀其

葬焉往弔之其坎深不至於泉以生怨死其斂以時

服以行時之服不改制節既葬而封廣輪揜坎其高可

隱也亦節也輪從也隱據也既封左袒右還

其封且號者三曰骨肉歸復于土命也若魂

氣則無不之也無不之也還圍也號哭且而

遂行也行去也孔子曰延陵季子之於禮也其合

矣乎○邾婁考公之喪考公隱公益之徐君

使容居來弔含弔且曰寡君使容居坐含進

侯玉其使容居以含欲親含非也含不使賤

舍耳言侯玉者時徐有司曰諸侯之來辱敝

邑者易則易于則于易于雜者未之有也謂

臣禮于謂君禮雜者容居以臣欲行君禮容

居對曰容居聞之事君不敢忘其君亦不敢

遺其祖昔我先君駒王西討濟於河無所不

用斯言也容居魯人也不敢忘其祖言我祖與今君



於諸侯初如是不聞義則服駒王徐先君階  
號容居其子孫也濟渡也言西討渡於河廣  
大其國魯魯鈍也言魯鈍者欲自明不妄  
也姓

庶氏赴於子思子思哭於廟門人至曰庶氏

之母死何為哭於孔氏之廟乎門人弟子也

族子思曰吾過矣吾過矣遂哭於他室○天

子崩三日祝先服祝佐舍五日官長服官長大夫

士七日國中男女服庶人三月天下服諸侯之大夫

虞人致百祀之木可以為棺槨者斬之虞人掌山

澤之官百祀畿內百縣之祀也不至者廢其

祀勿其人○齊大饑黔敖為食於路以待餓

者而食之有餓者蒙袂輯屨貿貿然來蒙袂不欲

見人也輯斂也斂屨力憊不能履也貿貿目不明之貌黔敖左奉食右

執飲曰嗟來食揚其目而視之曰予唯不食

嗟來之食以至於斯也嗟來食雖閔而非敬辭從而

謝焉終不食而死從猶就也曾子聞之曰微與其

嗟也可去其謝也可食微猶無也無與止其狂狷之辭○邾

婁定公之時有弒其父者

定公獲且也魯有文十四年即位

司以告公瞿然失席曰是寡人之罪也

民之無禮

教之罪

曰寡人嘗學斷斯獄矣臣弒君凡在官

者殺無赦子弒父凡在官者殺無赦

言諸臣子孫無

尊卑皆得殺之其罪無赦

殺其人壞其室洿其宮而豬焉

明其大逆不欲人復處之

蓋君踰月而后舉

爵自貶損

○晉獻文子成室晉大夫發焉

文子趙武

也作室成晉君獻之謂賀也諸大夫亦發禮以牲

張老曰美哉輪焉

美哉奐焉

心譏其奢也輪輪囷言高大奐言衆多

歌於斯哭於

斯聚國族於斯

祭祀死喪燕會於此足矣

文

子曰武也得歌於斯哭於斯聚國族於斯是

全要領以從先大夫於九京也北面再拜稽

首

全要領者免於刑誅也晉卿大夫之墓地在九原京蓋字之誤當為原

君子

謂之善頌善禱

善頌謂張老之言善禱謂文子之言禱求也

○仲

尼之畜狗死

畜狗馴守

使子貢埋之曰吾聞之也

敝帷不弃為埋馬也敝蓋不弃為埋狗也丘



也貧無蓋於其封也亦予之席毋使其首陷

焉封當為突陷謂沒於土路馬死埋之以帷路馬君所乘者其他

狗馬不能以帷蓋○季孫之母死哀公弔焉曾子與

子貢弔焉闈人為君在弗內也闈人守門者曾子

與子貢入於其廐而脩容焉更莊子貢先入

闈人曰鄉者已告矣既不敢止以言下之曾子後入闈

人辟之見兩賢相隨彌益恭也涉內霽卿大夫皆辟位

公降一等而揖之禮君子言之曰盡飾之道

斯其行者遠矣○陽門之介夫死陽門宋國門名介夫

甲衛士司城子罕入而哭之哀宋以武公諱司空為司城子罕

戴公子樂甫術之後樂喜也晉人之覘宋者反報於晉侯

曰陽門之介夫死而子罕哭之哀而民說殆

不可伐也覘闕視也孔子聞之曰善哉覘國乎善其

知詩云凡民有喪扶服救之救猶助也雖微晉而

已天下其孰能當之微猶非也○魯莊公之喪既

葬而經不入庫門時子般弒慶父作亂闕公不敢居喪葬已吉服而反

正君臣欲以防遇之微弱之至士大夫既卒哭麻不入麻猶經也

羣臣畢虞卒哭亦除喪也閔公既吉服不與虞卒哭○孔子之故人曰

原壤其母死夫子助之沐椁沐治也原壤登木

曰父矣予之不託於音也木椁材也託寄也謂叩木以作音

歌曰狸首之斑然執女手之卷然說人辭也夫子

為弗聞也者而過之佯不知從者曰子未可以

已乎已猶止也夫子曰丘聞之親者毋失其為親

也故者毋失其為故也○趙文子與叔譽觀

乎九原叔譽叔向也晉羊舌大夫之孫名肸文子曰死者如可

作也吾誰與歸作起也叔譽曰其陽處父乎陽處

父襄公之大傳文子曰行并植於晉國不沒其身其

知不足稱也并猶專也謂剛而專已為狐射姑所殺沒終也植或為特其

舅犯乎文子曰見利不顧其君其仁不足稱

也謂父與文公辟難至將反國無安君之心及河授璧詐請亡要君以利是我則

隨武子乎利其君不忘其身謀其身不遺其

友武子士會也食邑於隨范字季晉人謂文子知人見其所善於前



則知其來所舉射記曰弓二寸以文子其中退然如不勝衣中身也退

為侯中退或為安其言呐呐然如不出諸其

口呐呐舒小貌所舉於晉國管庫之士七十有餘

家管庫之士府史以下官長所置也舉之於君以為大夫士也管鍵也庫物所藏生

不交利廉也死不屬其子焉潔也叔仲皮學子柳

叔仲皮魯叔孫氏之族叔仲皮死其妻魯人

也衣衰而繆經衣當為齊壞字也繆讀為木

也言雖魯鈍叔仲衍以告告子柳言此非也

其於禮勝學叔仲衍以告衍蓋皮之弟衍或

為皮請總衰而環經總衰小功之縷而四升半

人好輕細而多服此者衍既不知禮之本

柳亦以為然而請於衍使其妻為舅服之

曰昔者吾喪姑姊妹亦如斯末吾禁也衍荅

也姑姊妹在室齊衰與婦為舅姑退使其妻

同末無也言無禁我欲其言行天子成

總衰而環經婦以諸侯之大夫為天子○成

人有其兄死而不為衰者聞子臯將為成宰

遂為衰成人曰蠶則績而蟹有匡范則冠而

蟬有綏兒則死而子臯為之衰蚩兄死者言其衰之不為

兄死如蟹有匡蟬有綏不為蠶之績范之冠也范蜂也蟬蜩也綏為蜩喙長在腹下○

樂正子春之母死五日而不食曰吾悔之強勉

過禮子春曾子弟子自吾母而不得吾情吾惡乎用吾

情惡乎猶於何也○歲旱穆公召縣子而問然然之言焉

也凡穆或作繆曰天久不雨吾欲暴尫而奚若奚若何如

也尫者面鄉天曰天則不雨而暴人之疾子

虐母乃不可與錮疾人之所哀暴之是虐然則吾欲暴巫

而奚若曰天則不雨而望之愚婦人於以求

之母乃已䟽乎已猶甚也巫主接神亦觀天哀而雨之春秋傳說巫曰在

女曰巫在男曰覲周禮女巫旱曠則舞雩徙市則奚若曰天子崩

巷市七日諸侯薨巷市三日為之徙市不亦

可乎徙市者庶人之喪禮今徙市是憂戚於旱若喪○孔子曰衛人

之柩也離之柩謂合葬也離之有以間其槨中魯人之柩也

合之善夫善夫善魯人也柩葬當合也

禮記卷第三



經五千七百四字  
注四千八百九十八字

禮記卷第四

王制第五

禮記

鄭氏注

王者之制祿爵公侯伯子男凡五等諸侯之  
上大夫卿下大夫上士中士下士凡五等

二五

象五行剛柔十日祿所受  
食爵秩次也上大夫曰卿○天子之田方千  
里

象日月之大亦取畧同也此  
謂縣內以祿公卿大夫元士

公侯田方百

里伯七十里子男五十里不能五十里者不  
合於天子附於諸侯曰附庸天子之三公之

田視公侯天子之卿視伯天子之大夫視子

男天子之元士視附庸皆象星辰之大小也

城曰附庸附庸者以國事附於大國未能以其名通也視猶比也元善也善士謂命士也

此地殷所因夏爵三等之制也殷有鬼侯梅

伯春秋變周之文從殷之質合伯子男以為

一則殷爵三等者公侯伯也異畿內謂之子

周武王初定天下更立五等之爵增以子男

而猶因殷之地以九州之界尚狹也周公攝

政致太平斥大九州之界制禮成武王之意

封王者之後為公及有功之諸侯大者地方

五百里其次侯四百里其次伯三百里其次

子二百里其次男百里所因殷之諸侯亦以

功黜陟之其不合者皆益之地為百里焉是

以周世有爵尊而國小爵卑而國大者唯天子畿內不增以祿羣臣不主為治民

制農田百畝百畝之分上農夫食九人其次

食八人其次食七人其次食六人下農夫食

五人庶人在官者其祿以是為差也農夫皆受田於

公田肥墾有五等收入不同也庶人在官謂

府史之屬官長所除不命於天子國君者分

或為諸侯之下士視上農夫祿足以代其耕

也中士倍下士上士倍中士下大夫倍上士

卿四大夫祿君十卿祿次國之卿三大夫祿



君十卿祿小國之卿倍大夫祿君十卿祿此班

祿尊卑之差 ○次國之上卿位當大國之中中當

其下下當其上大夫小國之上卿位當大國

之下卿中當其上大夫下當其下大夫此諸侯使

卿大夫覲聘並會之序也其爵位同小國在下爵異固在上耳 其有中士下

士者數各居其上之三分謂其為介若特行而並會也居猶當

也此據大國而言大國之士為上次國之上

為中小國之士為下士之數國皆二十七人各三分之上九中九下九以位相當則次國之上士當大國之中中當其下小國之上士

當大國之下凡非命士亦無出會之事春秋傳謂士為微 ○凡四海之內

九州州方千里州建百里之國三十七十里

之國六十五十里之國百有二十凡二百一

十國名山大澤不以封其餘以為附庸間田

八州州二百一十國建立也立大國三十

六卿也立小國百二十十二小卿也名山大澤不以封者與民同財不得障管亦賦稅之

而已此大界方三千里三三而九方千里者九也其一為縣內餘八各立一州此殷制也

周公制禮九州大界方七千里七七四十九方千里者四十有九也其一為畿內餘四十

八八州各有方千里者六設法一州封地方  
五百里者不過四謂之大國又封方四百里  
者不過六又封方三百里者不過十一謂之  
次國又封方二百里者不過二十五及餘方  
百里者謂之小國盈上四等之數并四十六  
一州二百一十國則餘方百里者百六十四  
也凡處地方千里者五方百里者五十  
九其餘方百里者四十一附庸地也 ○天

子之縣內方百里之國九七十里之國二十

有一五十里之國六十有三凡九十三國名

山大澤不以盼其餘以祿士以為間田

縣內夏時

天子所居州界名也殷曰畿畿詩殷頌曰邦畿千里維民所止周亦曰畿畿內大國九者三

公之田三為有致仕者副之為六也其餘三  
待封王之子弟次國二十一者卿之田六亦  
為有致仕者副之為十二又三為三孤之田  
其餘六亦待封王之子弟小國之十三大夫  
之田二十七亦為有致仕者副之為五十四  
其餘九亦以待封王之子弟三孤六田不副  
者以其無職佐公論道耳雖有 ○凡九州千  
致仕猶可即而謀焉盼讀為班

七百七十三國天子之元士諸侯之附庸不

與不與不在數中也春秋傳曰禹會諸侯於塗山執玉帛者萬國言執玉帛則是唯謂

中國耳中國而言萬國則是諸侯之地有方  
百里者有方七十里者有方五十里者禹承堯舜  
而然矣要服之內地方七千里乃能容之夏  
末既衰夷狄內侵諸侯相并土地滅國數少



殷湯承之更制中國方三千里之界亦分為九州而建此千七百七十三國焉周公復唐虞之舊域分其五服為九其要服之內亦方七千里而因殷諸侯之數廣其土增其爵耳孝經說曰周千八百諸侯布列五千里內此文改周之法關盛衰之中三七之間以為說也終此說之意五五二十五方千里者二十五其一為畿內餘二十四州各有方千里者三其餘諸侯之地  
○天子百里之內以共官大小則未得而聞

千里之內以為御謂此地之田稅所給也官謂其文書財用也御謂衣食

○千里之外設方伯五國以為屬屬有長

十國以為連連有帥三十國以為卒卒有正

二百一十國以為州州有伯屬連卒州猶聚也凡長皆因賢侯為之殷之州長曰伯虞夏及周皆曰牧八州八伯五十

六正百六十八帥三百三十六長八伯各以

其屬屬於天子之老二人分天下以為左右

曰二伯老謂上公周禮曰九命作伯春秋傳曰自陝以東周公主之自陝以西召

之公主千里之內曰甸使治田千里之外曰采

九州之內地取其美物以當穀稅曰流謂九州之外也夷狄

荒服之外三百里蠻二百里流

○天子三公九卿二十七

夫八十一元士

此夏制也明堂位曰夏后氏之官百舉成數也

○大

國三卿皆命於天子下大夫五人上士二十

七人○次國三卿二卿命於天子一卿命於

其君下大夫五人上士二十七人○小國二

卿皆命於其君下大夫五人上士二十七人

命於天子者天子選用之如今詔書除吏矣小國亦三卿一卿命於天子二卿命於其君

此文似誤脫耳或者欲見畿內之國二卿與天子使其大夫為三

監監於方伯之國國三人使佐方伯領諸侯○天子

之縣內諸侯祿也

選賢置之於位其國不得世外諸

侯嗣也

有功乃封之使之世也冠禮記曰繼世以立諸侯象賢也

○制三

公一命卷若有加則賜也不過九命次國之

君不過七命小國之君不過五命

卷俗讀也其通則曰

衮三公八命矣復加一命則服龍衮與王者之後同多於此則賜非命服也虞夏之制天子服有日月星辰周禮曰諸公之服自衮冕而下如王之服○大國之卿

不過三命下卿再命小國之卿與下大夫一

命不著次國之卿者以大國之下互明之此卿命則異大夫皆同周禮公侯伯之卿三



命其大夫再命子男之  
卿再命其大夫一命  
○凡官民材必先論

之論謂考其德行道藝論辨然後使之  
定也易曰問以其

辨任事然後爵之  
其秩次正位定然後祿之與

以常食○爵人於朝與士共之刑人於市與衆

弃之必共之者所以審慎之  
也書曰克明德慎罰是故公家不畜

刑人大夫弗養士遇之塗弗與言也屏之四

方唯其所之不及以政亦弗故生也屏猶放

施刑則放之棄之役賦不與亦不授之以田  
困乏又無賙餼也虞書曰五流有宅五宅三

居是也周則墨者使守門劓者使守關  
宮者使守內刑者使守圜髡者使守積  
○諸

侯之於天子也比年一小聘三年一大聘五

年一朝比年每歲也小聘使大夫大聘使卿

時所制也虞夏之制諸侯歲朝周之制侯  
甸男采衛要服六者各以其服數來朝

天子五年一巡守天子以海內為家時一巡

周則十二歲一巡守○歲二月東巡守至于岱宗岱宗

柴而望祀山川柴祭天覲諸侯覲見問百年

者就見之就見命大師陳詩以觀民風陳詩

其詩而視之命市納賈以觀民之所好惡志淫好

辟市典市者賈謂物貴賤厚薄也質則用物

不命典禮考時月定日同律禮樂制度衣服

正之同陰律也山川神祇有不舉者為不敬不敬

者君削以地祭也宗廟有不順者為不孝不

孝者君紕以爵不順者謂若逆昭穆變禮易樂者為不

從不從者君流流放也革制度衣服者為畔畔

者君討討誅也有功德於民者加地進律律法也

五月南巡守至于南嶽如東巡守之禮八月

西巡守至于西嶽如南巡守之禮十有一月

北巡守至于北嶽如西巡守之禮歸假于祖

禴用特假至也特特牛也○天子將出類乎

上帝宜乎社造乎禴諸侯將出宜乎社造乎

禴帝謂五德之帝所祭於南郊○天子無事

與諸侯相見曰朝事謂征伐考禮正刑一德以尊

于天子天子賜諸侯樂則以祝將之賜伯子



男樂則以鼗將之

將謂執以致命祝鼗皆所以節樂

○諸侯

賜弓矢然後征賜鈇鉞然後殺賜圭瓚然後

為鬯未賜圭瓚則資鬯於天子

得其器乃敢為其事圭瓚

鬯爵也鬯秬酒也

○天子命之教然後為學小學在

公宮南之左大學在郊

書傳曰百里之宮尚

十里之郊七十里之國九里之郊五十里之國三里之郊此小學大學殷之制

天子

曰辟廡諸侯曰頹宮

尊卑學異名辟明也雍和也所以明和天下頹

之言班也所以班政教也

○天子將出征類乎上帝宜乎

社造乎禰禡於所征之地

禡師祭也為兵禱其禮亦亡

受

命於祖

告祖也

受成於學

定兵謀也

出征執有罪反

釋奠于學以訊馘告

釋菜奠幣禮先師也訊馘所生獲斷耳者詩曰

執訊獲醜又曰在類獻馘馘或為國

○天子諸侯無事則歲三

田一為乾豆二為賓客三為充君之庖

三田者夏

不田蓋夏時也周禮春曰蒐夏曰苗秋曰獮冬曰狩乾豆謂腊之以為祭祀豆實也庖今

之厨也無事而不田曰不敬田不以禮曰暴天

物

不敬者簡祭祀略賓客

天子不合圍諸侯不掩羣

為盡

物也天子殺則下大綏諸侯殺則下小綏綏當

綏有虞氏之旌旗也下謂弊之大夫殺則止佐車佐車止則

百姓田獵逆之車獺祭魚然後虞人入澤梁

豺祭獸然後田獵鳩化為鷹然後設罝羅草

木零落然後入山林昆蟲未蟄不以火田取物

必順時候也梁絕水取魚者罟小網也不麇

昆明也明蟲者得陽而生得陰而藏不卵不殺胎不殀天重傷未成物死不覆巢

也覆敗也○冢宰制國用必於歲之杪五穀皆入

然後制國用制國用如今度用地小大視年

之豐耗小國大國豐凶之年各以歲之收入

以三十年之通制國用量入以為出通三十年之率

當有九年之蓄祭用數之仂筭今年一歲經

一喪三年不祭唯祭天地社稷為越紼而行

事不敢以卑廢尊越喪用三年之仂喪大事

猶躡也紼輶車索之什喪祭用不足曰暴有餘曰浩暴猶耗也

祭豐年不奢凶年不儉常用數國無九年之



蓄曰不足無六年之蓄曰急無三年之蓄曰

國非其國也三年耕必有一年之食九年耕

必有三年之食以三十年之通雖有凶旱水

溢民無菜色然後天子食日舉以樂菜色食

民無食菜之饑色天子乃日舉樂以食○天子七日而殯七月

而葬諸侯五日而殯五月而葬大夫士庶人

三日而殯三月而葬尊者舒卑者速春秋傳曰天子七月而葬同軌

畢至諸侯五月同盟至大夫三月同位至士踰月外姻至三年之喪自天

子達下通庶人於父母庶人縣封葬不為雨

止不封不樹喪不貳事縣封當為縣窆縣窆者至卑不得引紼下

棺雖雨猶葬以其禮儀少封謂聚土為墳不封之不樹之又為至卑無飾也周禮曰以爵

等為丘封之度與其樹數則士以上乃皆封樹貳之言二也庶人終喪無二事不使從政

也喪大記曰大夫士既葬公政入於家既卒哭弁經帶金革之事無辟也自天子

達於庶人喪從死者祭從生者支子不祭從死

者謂衣衾棺槨從生者謂奠祭之牲器○天子七廟三昭三穆

與太祖之廟而七此周制七者太祖及文王武王之祧與親廟四大祖

后稷殷則六廟契及湯與二昭二穆夏諸侯則五廟無大祖禹與二昭二穆而已

五廟二昭二穆與大祖之廟而五大祖始封之君王者

之後不為始封之君廟大夫三廟一昭一穆與大祖之

廟而三大祖別子始爵者大傳曰別子為士祖謂此雖非別子始爵者亦然

一廟謂諸侯之中士下士名曰官師者上士二廟庶人祭於寢適

也寢○天子諸侯宗廟之祭春日禘夏曰禘秋

曰嘗冬曰烝此蓋夏殷之祭名周則改之春曰祠夏曰禘以禘為殷祭詩小雅曰禘祠烝嘗于公先王

此周四時祭宗廟之名○天子祭天地諸

侯祭社稷大夫祭五祀五祀謂司命也中雷也門也行也厲也此祭謂大夫有地者其無地祭三耳

天子祭天下名山大川五

嶽視三公四瀆視諸侯視視其牲器之數諸侯祭名

山大川之在其地者魯人祭泰山晉人祭河是也○天子

諸侯祭因國之在其地而無主後者謂所因之國先

王先公有功德宜享世祀今絕無後為之祭主者昔夏后氏郊鯀至杞為夏後而更郊禹

晉侯夢黃熊入國而祀夏郊此其禮也○天子禘禘禘嘗

禘禘禘猶一也禘合也天子諸侯之喪畢合先君之主於祖廟而祭之謂之禘後因



以為常天子先禘而後時祭諸侯先時祭而後禘凡禘之歲春一禘而已不禘以物無成者不殷祭周改夏祭曰禘以禘為殷祭也魯禮三年喪畢而禘於大祖明年春禘於羣廟自爾之後五年而禘諸侯禘則不禘禘則不嘗再殷祭一禘一禘

**嘗則不烝烝則不禘**虞夏之制諸侯歲朝廢一時祭**諸侯禘**

**禘**互明禘禘文**禘一牲一禘**下天子也禘禘歲不禘**嘗禘烝禘**

○天子社稷皆大牢諸侯社稷皆少牢大夫士宗廟之祭有田則祭無田則薦有田者既祭以首時薦以仲月士薦牲用特豚大夫以上用羔所謂羔豚而祭百官皆足詩曰四之

日其早獻羔祭非**庶人春薦韭夏薦麥秋薦黍冬薦**

**稻韭以卵麥以魚黍以豚稻以鴈**庶人無常牲取與新

物相宜而巳**祭天地之牛角繭栗宗廟之牛角握**

**賓客之牛角尺**握謂長不出膚**諸侯無故不殺牛大**

**夫無故不殺羊士無故不殺犬豕庶人無故**

**不食珍**故謂祭饗**○庶羞不踰牲**祭以羊肉為羞**燕**

**衣不踰祭服寢不踰廟○古者公田藉而不**

**稅**藉之言借也借民力治公田美惡取於此不稅民之所自治也孟子曰夏后氏五十

而貢殷人七十而助周人百市廛而不稅

畝而徹則所云古者謂殷時市廛而不稅

物邸舍稅其物關譏而不征譏譏異服識異言

凶札則無門關林麓川澤以時入而不禁麓

也夫圭田無征夫猶治也征稅也孟子曰卿

稅所以厚賢也此則周禮之○用民之力歲

士田以任近郊之地稅什一○司空執度度地司空冬

不過三日治宮室城田里不粥墓地不請受

於公民不得私也○司空執度度地司空冬

粥賣也請求也居民山川沮澤時四時觀寒煖燥

邦事者度居民山川沮澤時四時濕沮謂菜

丈尺也居民山川沮澤時四時濕沮謂菜

沛量地遠近制邑井興事任力事謂築邑凡

使民任老者之事食壯者之食寬其力○凡

居民材必因天地寒煖燥濕使其材藝廣谷

大川異制謂其形象民生其間者異俗謂其所剛

柔輕重遲速異齊謂其情性緩急五味異和謂香臭

器械異制謂作務之用衣服異宜謂旃裘脩其教

不易其俗齊其政不易其宜教謂禮義中國

禮記

百



東方曰夷被髮文身有不火食者矣南方曰

蠻雕題交趾有不火食者矣

雕文謂刻其肌以丹青涅之交

趾足相鄉然浴則同川則則儻不火食地氣煖不為病

西方曰戎被髮

衣皮有不粒食者矣北方曰狄衣羽毛穴居

有不粒食者矣

不粒食地氣寒少五穀

中國夷蠻戎狄

皆有安居和味宜服利用備器

其事雖異各自足

五

方之民言語不通嗜欲不同達其志通其欲

東方曰寄南方曰象西方曰狄鞮北方曰譯

皆俗間之名依其事類耳鞮之言知也今冀部有言狄鞮者

○凡居民量

地以制邑度地以居民地邑民居必參相得

也

得猶足也

無曠土無游民食節事時民咸安其

居樂事勸功尊君親上然後興學

立小學

○

司徒脩六禮以節民性明七教以興民德齊

八政以防淫一道德以同俗養耆老以致孝

恤孤獨以逮不足上賢以崇德簡不肖以絀

惡

司徒地官卿掌邦教者逮及也簡差擇也

命鄉簡不帥教者以

告帥循也不循教謂教很不孝弟者耆老皆司徒使鄉簡擇以告者鄉屬司徒

朝于庠元日習射上功習鄉上齒大司徒帥

國之俊士與執事焉將習禮以化之使之觀焉耆老致仕及鄉中老

賢者朝猶會也此庠謂鄉學也鄉謂飲酒也鄉禮春秋射國蜡而飲酒養老不變

命國之右鄉簡不帥教者移之左命國之左

鄉簡不帥教者移之右如初禮中年考校而又不變使轉

徙其居覲其見新人有所化也亦復習禮於鄉學使之觀焉不變移之郊

如初禮郊鄉界之外者也稍出遠之不變移

之遂如初禮遠郊之外曰遂遂大夫掌之又

於遠不變屏之遠方終身不齒遠方九州之外齒猶錄也

命鄉論秀士升之司徒曰選士移名於司徒也秀士鄉大

夫所考有德行道藝者司徒論選士之秀者而升之學

曰俊士可使習禮者學大學升於司徒者不征於鄉升

於學者不征於司徒曰造士不征不給其繇役造成也能習

禮則為成士樂正崇四術立四教樂正樂官之長掌國子之教虞

書曰夔命汝典樂教胄子崇高也高尚其術以作教也幼者教之於小學長者教之於大



學尚書傳曰年十五始入小學十八入大學始順先王詩書禮樂以

造士順此四術而教春秋教以禮樂冬夏教

以詩書春夏陽也詩樂者聲聲亦陽也秋冬陰也書禮者事事亦陰也互言之者

皆以其術相成王太子王子羣后之太子卿大夫元

士之適子國之俊選皆造焉皆以四術成之王子王之庶子

也羣后公及諸侯凡入學以齒皆以長幼受學不用尊卑將出學

小胥大胥小樂正簡不帥教者以告于大樂

正大樂正以告于王此所簡者謂王太子王子羣后之太子卿大夫

元士之適子大胥小胥皆樂官屬也出學謂九年大成學止也王命三公九

卿大夫元士皆入學不變王親視學亦謂使習禮以

化之不變王又親為之臨視重弃賢者子孫此習禮皆於大學也

不變王三不舉去食樂重弃人屏之遠方西方曰棘東方曰

寄終身不齒棘當為齧齧之言偏使之偏寄於夷戎不屏於南北為其大遠

大樂正論造士之秀者以告于王而升諸司

馬曰進士移名於司馬司馬夏官卿主邦政者進士可進受爵祿也司馬

辨論官材辨其論官其材觀其所長論進士之賢者以告

於王而定其論各署其論定然後官之使之

任官然後爵之之命位定然後祿之大夫廢其試守

事終身不仕死以士禮葬之以不任有發則大夫也

命大司徒教士以車甲乘兵車衣甲之儀有

凡執技論力適四方羸股肱決射御謂擐衣

脛使之射御決凡執技以事上者祝史射御出其臂

醫卜及百工言技謂凡執技以事上者不貳此七者

事不移官欲專其事出鄉不與士齒賤也於

則齒親仕於家者出鄉不與士齒亦賤○司寇

正刑明辟以聽獄訟司寇秋官卿掌必三刺

以求民情斷其獄訟之中一曰訊有旨無簡

不聽簡誠也有其意無其附從輕附施刑也

從赦從重雖是罪可○凡制五刑必即天論

制斷也即就也必即天論言與天意合閔子

郵罰麗於事郵過也麗附也過人罰人當各

○凡聽五刑之訟必原父子之親立君臣之



義以權之也權平也意論輕重之序慎測淺深之

量以別之意思念也淺深謂俱有罪本心有善惡悉其聰明致

其忠愛以盡之情盡其疑獄汜與眾共之眾疑

赦之必察小大之比以成之小大猶輕重已行故事曰比

○成獄辭史以獄成告於正正聽之史司寇吏也正

於周鄉師之屬今漢正以獄成告于大司寇

大司寇聽之棘木之下周禮鄉師之屬辨其獄訟異其死刑之罪

而要之職聽於朝司寇聽之朝王之外朝也左九棘孤卿大夫位焉右九棘公侯伯子男

位焉面三槐三公位焉大司寇以獄之成告於王王命

三公參聽之王使三公復與司寇及正共平之重刑也周禮王欲免之乃命

公會三公以獄之成告於王王三又然後制

刑又當作宥宥寬也一宥曰不○凡作刑罰

輕無赦法雖輕不赦刑者例也例者成也一

成而不可變故君子盡心焉變更○析言破

律亂名改作執左道以亂政殺析言破律巧

亂名改作謂變易官與物之名作淫聲異服

更造法度左道若巫蠱及俗禁

宗

奇技奇器以疑衆殺淫聲鄭衛之屬也異服若聚鷓冠瓊弁也奇技

奇器若公輸般請以機寔行偽而堅言偽而辯學非而博

順非而澤以疑衆殺皆謂虛華捷給無誠者也假於鬼神

時日卜筮以疑衆殺今時持喪葬築蓋嫁取卜數文書使民倍禮違

制此四誅者不以聽為其為害大而辭不可明凡執禁以

齊衆不赦過亦為人將易犯有圭璧金璋不粥於市

命服命車不粥於市宗廟之器不粥於市犧

牲不粥於市戎器不粥於市尊物非民所宜有戎器軍器也

粥賣也用器不中度不粥於市兵車不中度不

粥於市布帛精麤不中數幅廣狹不中量不

粥於市姦色亂正色不粥於市凡以其不可用也用器弓

矢耒耜飲食器也度丈尺也數升縷多少錦文珠玉成器不粥於

市衣服飲食不粥於市不示民以奢與貪也成猶善也五穀

不時果實未孰不粥於市物未成不利人木不中伐

不粥於市伐之非時不中用周禮仲冬斬陽木仲夏斬陰木禽獸魚

鼈不中殺不粥於市殺之非時不中用月令季冬始漁周禮春獻鼈



蠶關執禁以譏禁異服識異言關竟上門○

大史典禮執簡記奉諱惡簡記策書也諱先王名惡忌日若子

卯天子齊戒受諫歲終羣臣奏歲事諫王當所改爲也司會以

歲之成質於天子司會冢宰之屬掌計要者成計要也質平也平其計

要冢宰齊戒受質質王受之大樂正大司寇市三

官以其成從質於天子大樂正於周宗伯之屬市司市也於周司

徒之屬從從於司會也大司徒大司馬大司空齊戒受

質百官各以其成質於三官大司徒大司馬

大司空以百官之成質於天子百官此三百官之屬

官齊戒受質受平報也然後休老勞農饗養成歲

事斷計要也制國用○凡養老有虞氏以燕禮夏

后氏以饗禮殷人以食禮周人脩而兼用之

兼用之備陰陽也凡飲養陽氣凡食養陰氣陽用春夏陰用秋冬五十養於

鄉六十養於國七十養於學達於諸侯天子諸侯

養老同也國國中小學在王宮之左學大學也在郊小學在國中大學在郊此殷制明矣

○八十拜君命一坐再至瞽亦如之九十使

人受命謂君不親饗食必以其禮致之五十異糗六十宿肉

七十貳膳八十常珍九十飲食不離寢膳飲

從於遊可也遊謂出入止觀六十歲制七十

時制八十月制九十日脩唯絞給衾冒死而

后制絞給衾冒一日而可為者五十始衰六十非肉不

飽七十非帛不煖八十非人不煖九十雖得

人不煖矣温煖五十杖於家六十杖於鄉七十

杖於國八十杖於朝九十者天子欲有問焉

則就其室以珍從尊養七十不俟朝大夫士

揖君八十月告存每月致膳九十日有秩秩常也

五十不從力政六十不與服戎七十不與賓

客之事八十齊喪之事弗及也力稍衰也

也與及也八十不齊則不祭政城道之役五十而爵賢者

也子代之祭是謂宗子不孤七十致政唯衰麻為

喪致政還君事○有虞氏養國老於上庠養庶老

於下庠夏后氏養國老於東序養庶老於西



序殷人養國老於右學養庶老於左學周人

養國老於東膠養庶老於虞庠虞庠在國之

西郊皆學名也異者四代相變耳或上西或

學也在西郊下庠左學小學也在國中王宮

之東東序東膠亦大學在國中王宮之東西

序虞庠亦小學也西序在西郊周立小學於

西郊膠之言糾也庠之言養也周之小學為

有虞氏之庠制是以名庠云 ○有虞氏皇而

祭深衣而養老夏后氏收而祭燕衣而養老

殷人皐而祭縞衣而養老周人冕而祭玄衣

而養老皇冕屬也畫羽飾焉凡冕屬其服皆

玄上纁下有虞氏十三章周九章夏

殷未聞凡養老之服皆其時與羣臣燕之服

有虞氏質深衣而已夏而改之尚黑而黑衣

裳殷尚白而縞衣裳周則兼用之玄衣素裳

其冠則牟追章甫委貌也諸侯以天子之燕

服為朝服燕禮曰燕朝服服是服也王者之

後亦以燕服為之魯季康子朝服以縞僭宋

之禮也天子皮 凡三王養老皆引年已而引

弁以日視朝也 八十者一子不從政九戶校年

多非賢者不可皆養 十者其家不從政廢疾非人不養者一人不

從政廢廢於 父母之喪三年不從政齊衰大

功之喪三月不從政將徙於諸侯三月不從政自諸侯來徙家期不從政自從也○少而無

父者謂之孤老而無子者謂之獨老而無妻

者謂之矜老而無夫者謂之寡此四者天民

之窮而無告者也皆有常餼餼廩也○瘖聾跛

躄斷者侏儒百工各以其器食之斷謂支節絕也侏儒

短人也器能也○道路男子由右婦人由左車從中

央道有三塗遠別也父之齒隨行兄之齒鴈行朋友

不相踰廣敬也謂於塗中輕任并重任分斑白者不

提挈皆謂以與少者雜色曰斑君子者老不徒行庶人者

老不徒食徒猶空也○大夫祭器不假祭器未成

不造燕器造為也○方一里者為田九百畝一里

方三百步方十里者為方一里者百為田九萬畝

方百里者為方十里者百為田九十億畝億今

十萬方千里者為方百里者百為田九萬億畝

萬億今○自恒山至於南河千里而近冀州域



自南河至於江千里而近豫州自江至於衡

山千里而遙荊州自東河至於東海千里而

遙徐州自東河至於西河千里而近亦冀州自

西河至於流沙千里而遙雍州西不盡流沙

南不盡衡山東不盡東海北不盡恒山凡四

海之內斷長補短方三千里為田八十萬億

一萬億畝九州之大計方百里者為田九十億畝

山陵林麓川澤溝瀆城郭宮室塗巷三分去

一其餘六十億畝以一大國為率其餘所以授民也山足曰麓○

古者以周尺八尺為步今以周尺六尺四寸

為步古者百畝當今東田百四十六畝三十

步古者百里當今百二十一里六十步四尺

二寸二分周尺之數未詳聞也案禮制周猶以十寸為尺蓋六國時多變亂法

度或言周尺八寸則步更為八八六十四寸以此計之古者百畝當今百五十六畝二十

五步古者百里當今百二十五里○方千里者為方百里者

百封方百里者三十國其餘方百里者七十

又封方七十里者六十爲方百里者二十九  
方十里者四十其餘方百里者四十方十里  
者六十又封方五十里者百二十爲方百里  
者三十其餘方百里者十方十里者六十名  
山大澤不以封其餘以爲附庸間田諸侯之  
有功者取於間田以祿之其有削地者歸之  
間田○天子之縣內方千里者爲方百里者  
百封方百里者九其餘方百里者九十一又

封方七十里者二十一爲方百里者十方十  
里者二十九其餘方百里者八十方十里者  
七十一又封方五十里者六十三爲方百里  
者十五方十里者七十五其餘方百里者六  
十四方十里者九十六○諸侯之下士祿食  
九人中士食十八人上士食三十六人下大  
夫食七十二人卿食二百八十八人君食二  
千八百八十人次國之卿食二百一十六人



君食二千一百六十人小國之卿食百四十  
四人君食千四百四十人次國之卿命於其  
君者如小國之卿天子之大夫為三監監於  
諸侯之國者其祿視諸侯之卿其爵視次國  
之君其祿取之於方伯之地○方伯為朝天  
子皆有湯沐之邑於天子之縣內視元士給齊  
戒自潔清之用○諸侯世子世國象賢也大夫  
浴用湯沐用潘不世爵使以德爵以功謂縣內及列國諸侯為天子大夫者不世

爵而世祿未賜爵視天子之元士以君其國

辟賢也○諸侯之大夫不世爵祿○六禮

冠昏喪祭鄉相見鄉鄉飲酒鄉射○七教父子兄弟

夫婦君臣長幼朋友賓客八政飲食衣服事

為異別度量數制飲食為上衣服次之事為謂百工技藝也異別五方

用器不同也度丈尺也量斗斛也數百十也制布帛幅廣狹也

禮記卷第四

經四千四百三十字  
注五千一百五十八字







